



**Cogitationes, Sive Considerationes Christianae Pro  
singulis Anni diebus**

Complectens Julium, Augustum, Septembrem

**Nepveu, François**

**Monachii, 1709**

Dies 26. De obedientia.

---

[urn:nbn:de:hbz:466:1-60520](#)

D I E S X X V I .

De Obedientia.

I.

Obedientia virtus est, quæ nos Deo ;  
ejusque vicarijs gerere morem docet.  
Hæc est virtus quædam generalis, omnium  
statuum, & conditionum propria, quemad-  
modum nemo est, qui in aliquibus saltem  
rebus Præpositum non habeat, sic nema-  
est, quem obedire non oporteat. Obe-  
dientia virtus est vniuersalis omnes vir-  
tutes complectens, vel supponens; ea so-  
la est illa virtus, inquit S. Gregorius,  
*quæ virtutes cæteras menti inserit, insertaque*  
*custodit.* Hæc eas perficit: quas si ipsa non  
dirigit, virtutes esse cessant; imò si ei ad-  
verfantur, in vitia degenerant. Obe-  
dientia sacrificium est acceptissimum, quod  
homo facere Deo possit; cum omnium sit  
difficillimum, & homo per obedientiam  
immolet id, quod optimum, sibique cha-  
rissimum habet, nempe libertatem suam. Sic,  
sacra scriptura asserit: *Obedientiam meliorem*  
*esse victimis.* Quia sicut Divus Gregorius ait,  
*per victimas aliena caro, per obedientiam vero*  
*voluntas propria mactatur.* Sacrificia ipsa

1. Reg. 15.  
v. 22.

**84** *Confiderationes Christianæ.*

**Julius.**

*Lxx. 10.  
v. 16.*

contra obedientiæ leges facta evadunt a-  
bominanda : Et Deus ipse testatur , se vi-  
tium obedientiæ contrarium , ut quandam  
quasi idololatriam averfari .

II. Perfectio nostra in exequenda Dei  
voluntate versatur : certum enim est mihi ,  
me Dei voluntatem facere , si Præposito  
meo obedio , ubi nihil , quod voluntati di-  
vinæ aduersetur , præcipit . Articulus fi-  
dei est : *qui vos audit* , inquit Servator , *me*  
*audit* . Contingere aliquoties potest , ut  
superior non adeò rationi convenienter a-  
gat , dum aliquid mihi præcipit : at ratio  
exigit , ut ego ipsi obtemperem : quan-  
tumcunque à fana ratione abhorreat præ-  
cipientis voluntas , ego tamen rationi con-  
venientissimè ago , cùm ei obsecundo . Obe-  
dientia quantumcunque cæca esse videatur ,  
semper tamen perspicacissima est . Aliquo-  
ties rationi aduersari videtur ; sed etiā runc  
rationi summopere consona est , idque pro-  
pterea , quod rationem supremam , Dei  
nempe voluntatem sibi regulam statuat :  
Illud ipsum , propter quod Præpositus  
peccat , præcipiendo id , quod præposterus  
affectus ipsi dictat , meorum est causa me-  
ritorum , cùm charitas ad obediendum me  
permoveat . Quàm beata fors est homi-  
nis obedientis ! cùm semper ei certum sit ,

*se*



se à Deo gubernari. Potestne is timere , luli usq;  
ne male gubernetur ? potestne inquietus  
esse ? obedientiae ductus terram in Paradi-  
sum convertit illi, qui obedientiam sequi-  
tur.

III. Cum obedientiae praxis difficilis  
visa fuerit homini libertatis suae perdite a-  
manti, ideo opus fuit exemplo Hominis-  
Dei, ut ea facilis redderetur. Nihil de  
ipso dicitur ab anno duodecimo ad usque Luc. 8. 2. 51  
trigesimum, nisi eum obedisse: *erat subdi-  
tus illis.* Vide, quò colliment omnes virtu-  
tes, omnia miracula vitæ Christi abscon-  
ditæ. *Erat subditus.* Sed cuj? Patri suo ?  
non huic solummodo , sed creaturis , sed  
Mariæ , sed Iosepho ; quanta humilitas !  
quantum exemplum ! sed in quo obedit ?  
in rebus omnium vilissimis , & laboriosissi-  
mis. Mariæ , & Iosepho omnia præstat ob-  
sequia , quæ servi Dominis suis præstant.  
At quomodo obedit ? promptè , sine que-  
relis, eorum nutum , & inclinationem præ-  
veniens ; exactè , nihil eorum, quæ ei præ-  
scribuntur , omittens , Patris sui volunta-  
tem in voluntate Mariæ , & Iosephi perfectè  
venerans , eisdemque , ut Patri suo morem  
gerens. An & tu hunc in modum obedis?  
murmurationes illæ , tergiversationes illæ ,  
excusationes illæ importunæ , & continuæ ,

F 3

hæc

86 *Considerationes Christianæ.*


Iulius.

hæc ignavia, hæc negligentia, hi respectus hominum, hæc obsequentia vel à necessitate, vel à decentia proveniens, vel mere politica, satis ostendunt, quām longè absis ab hac perfecta Christi obedientia, qui asseverat, se non venisse, ut faceret voluntatem patris sui; & qui, postquam vixit in continuo obedientiæ exercitio, ex obedientia quoque mori voluit, potius eligens, inquit S. Bernardus, vitam, quām obedientiam perdere.

*In quocunque statu sis, sive sacerdotali, sive religioso, obedire te oportet Præpositis, quibus obedire teneris. Satage cognoscere, qua ratione impleas id, ad quod tantopere obstrictus es.*

Melior est obedientia, quām victimæ, & auscultare magis, quām offerre adipem arietum. *i. Reg. 15. 22.*

Obedientia sola est virtus, quæ virtutes cæteras menti inferit, insertasque custodit. *Greg.*



DIES



UNIVERSITÄTS-  
BIBLIOTHEK  
PADERBORN